

黃州府志卷之十一

知黃州府事關中王 勅纂輯



人物志

儒林

舊志人物目首列理學理學未易言也惟二程夫子產於黃陂足以當之今黃陂度屬漢陽矣自漢以來諸史皆有儒林傳儒之有林猶曰是固聖人之徒云耳則凡潛心五經四子之書有所發明論述者皆可取也黃郡之儒至明代特盛然自王陽明倡良知之學一時聰明

黃州府志

卷之十一

儒林

一

雋異之士樂其直捷簡易羣然趨之而於程朱主敬窮理層累漸進之功或有所未盡又重以晉江狂人李贄講學龍湖專崇釋氏卑侮孔孟間亦有染其習者

國家理學昌明尊崇朱子雖窮鄉下邑非程朱之書弗讀也大化蒸濡山川秀氣所鍾將有遠紹二程之傳者篤生其間能無厚望歟

明

黃岡郭慶字善甫正德丁卯舉人質直力學時王守仁倡道東南慶徒步往從之三年有得令清平以廉稱

勤於撫字捐俸給貧民牛種在官五年乞休歸著述甚多家無恒產充然自得也

詹時明字爾用少慕薛瑄之學求王守仁之所以異處以歲薦補常德訓日坐堂舍與諸生講學務實踐戒浮靡遷江西武寧諭署縣篆彌歲簿書刑獄之事一以至誠爲本陞筠連令解組歸談道講藝學者尊爲冲默先生子謹之另傳孫大衍大有俱舉人

吳良吉字仲修篤信好古聞王守仁講學鬻產往師

黃州府志

卷之十一

儒林

二

之及歸授徒矩矱巍然而純粹可掬學者瞻就焉所著有居湖集

按良吉字仲修號石梁舊志旣列理學又列隱逸一人二傳誤也

王陞字進吾萬歷己卯舉人學宗湛若水隨處必求天理爲安令威遠捐俸賑饑轉泗州牧濬周家橋以殺水患歷重慶遵義府丞皆有政績致仕歸率子弟講學於正宗會館著有退省錄退問集綱鑑讀要諸書

樊煒號崙川萬歷時選貢講良知學博通經史訓導
漢陽教諸生以篤行監司守令折節相禮弟子一
秉程度著有史學集等書

朱荃宰字咸一崇禎己卯辟舉授武康知縣以最召
赴京道卒著有大學權衡中庸權衡周易內外圖
說禮記會通毛詩類考孟子年表文通詩通詞通
曲通樂通諸書曾經奏御發禮部頒行

蘄水

李汰字清之性謹厚敦行孝弟少失怙終身哀慕頌
成化丙午鄉薦任義烏教諭郡守廉其貧遺金三

百汰悉以修學宮應福建鄉試同考聘有干以私
者叱遣之其人以腐儒譏汰謝以詩曰義利源頭
頗識真黃金難換腐儒貧莫言暮夜無知者充塞
乾坤有鬼神其人慚退致仕歸著有立菴集
蔡月涇號沙江性純孝年十三四割股愈母舉於鄉
好古博學擔囊受業於王守仁入南雍與湛若水
遊遂終身不仕教授生徒

羅田胡明庶字功甫嘉靖壬辰進士孝友力學尤精理數
有蔡邵皇極律呂二書圖解行於世弟明通嘉靖

戊子舉人學宗程朱嘗曰主敬窮理可到聖賢不必求新異也授信豐知縣賑饑弭盜有功歷金華通判致仕歸家居儉約如寒素學者稱東郊先生著有征邁集

麻城

毛鳳起字瑞東少習舉子業後厭棄之往從王守仁講學歸而授徒作心學圖致知說以淑人士嘉靖壬辰詔舉賢良敦行遺逸之士有司以鳳起應辭不就邑令陳子文爲建道峯書院以居就教者益衆鳳起德性和易志行高潔孝友敦睦老而彌篤

劉承烈號拙齋少聞耿定向講學執贄往師焉歸閉關讀書窮理清操不苟生平學易有得悠然自適人呼爲拙聖

周思久字柳塘嘉靖癸丑進士任瓊州守致仕抗志希古品誼卓犖嘗謂門人楊起元曰學必求至聖賢非但欲爲鄉黨自好人也建輔仁書院會講工詩律書法著有石潭集

黃安耿定向字在倫三歲時有公卿到門者問其祖曰更有上者否曰獨有聖賢耳曰兒當爲聖賢矣由是

潛心理學登嘉靖丙辰進士授行人擢御史疏劾
太宰吳鵬六事語侵嚴嵩嵩爲營救事竟寢出按
甘肅尋改南中督學開崇正書院以明道彰教爲
已任晉大理丞與高拱忤謫判橫州拱罷量移衡
州推官萬歷中累官副都御史以內艱歸起復撫
閩會詔下方田法定向摹地圖揭之後屏山祖水
涯之間咸若目覩又手條八法布之不數月報竣
廣寇林道乾訐海上定向用計討擒之丁外艱起
復爲都御史晉戶部尙書總督倉場九疏請罷予

告歸嘗謂學以悟入以修証居家凡七年一日整
衣冠危坐而逝年七十三贈太子少保諡恭簡
耿定力字子健定向季弟隆慶辛未進士授工部主
事出守成都遷按察司副使督閩學首錄蔡清陳
真晟後裔以示風向累遷南僉都御史督操江疏
言權使罔利藪奸已復上疏極言中使之害累官
南兵部侍郎卒贈尙書生平學問以求仁爲宗以
與人爲善爲體直修實詣超然自得仲兄定理隱
居不仕兄弟相與講學不倦學者稱八先生羅近

溪贊曰儒者之高蹈聖世之逸民理學宗工其入先生乎

彭台字公甫生四歲而孤穎異不羣讀書務根極理要反躬省証嘗爲尺籍記日履題曰天鑒在茲夢寐少離于道輒竟日不憚嘉靖乙酉領鄉薦益孜孜以明道善俗爲已任卒年僅二十有九

吳心學號少虞家世業農一意孔孟之學勅斷家事隱似馬山中鑿山開逕倚石爲壁引木爲巢於絕頂兩巖間面柱靜坐者久之訪學求友足跡幾遍

天下收遺書數百卷而歸講會益力教人以下學上達爲宗居山中凡二十年而卒初入山鋤石得記云似馬山中出洞龍故學者以洞龍稱之

州蘄韓萬鍾字天爵少貧窶嗜書史持守方正以歲貢分教休寧擢潁川學正皆以身範物不失尺寸究心天人之理著有象緯彙編皇極註解四真集要等書

顧問字子承少卽有志聖賢年十六偶疾父母以爲憂問曰疾易愈耳政恐以此廢學不至聖賢爲大

罪大懼也嘉靖壬戌成進士除壽昌令昌俗好溺女下令嚴禁之全活數萬徵爲侍御史遷浙江按察僉事蔬食清謹越人呼爲茹菜顧公隆慶中起徐州兵備擢八閩叅政九疏乞歸講學不倦羅洪先嘗曰子承真聖人之徒也年八十一卒

顧闕字子良問之第方六歲頽焚祝天爲道德性命之學以報劬勞恩弱冠舉於鄉成進士除刑部郎父母卒與兄問皆廬居墓所服除補禮部郎移南京吏部稽勲司遷福建副使時年僅三十九決意

黃州府志

卷之十一 儒林

七

告歸里居四十七年一日忽召子孫語曰昨夜夢聯云津吏報增三尺水山人歸卧幾重雲是歲當大水吾將逝矣已而果然闕治經尤精詩易學者稱爲桂巖先生

廣濟

吳自守字介夫學邃於易蘄州顧問建讀易菴延之自是稱易菴先生從遊日衆設講堂泉湖側以待

四方學者

舊志有吳一菴按自守號易菴縣志並無名一菴者訛易爲一一人兩見恐誤

楊民服字信甫性孝友弟邁疾齋沐露禱以歲貢司

訓吳縣遷蔚州學正專心聖賢以求放心尋本體
爲訓

黃梅瞿九思字睿夫少有異稟十五作定志論萬歷癸酉

舉於鄉爲墨令所誣被逮獲白還里閉關不出作
中庸位育圖並盛朝倣古編孔廟禮樂考六經以
俟錄諸書臺臣疏薦授翰林待詔不起歲給米六
十石御史史學遷按楚特建江漢書院延爲主講
所言皆足羽翼經傳其論廟樂不宜用菩薩蠻清
江引諸野調殊有卓識卒年七十一子甲罕另傳

黃州府志

卷之十一

儒林

八

國朝

黃岡曹本榮字木欣誕之夕母夢神送陸雲入室順治己

丑成進士選庶常學行端粹以清節自勵尋充

日講官進階學士注易進呈

世祖一日讀孟子人知之亦翬翬

顧榮曰自得無欲汝足當之其眷注如此所著有五大儒
語要居學錄等書行世子宜溥舉博學宏詞官檢

討

文苑

蘓子瞻之跋韓魏公詩後也曰黃州士靜而文蓋黃爲
楚疆淳耀惇大火正蚤發其光故代有傳人焉摘藻揆
天敷華緯國非不朽之盛事哉

宋

黃岡潘大臨字邠老與蘓軾黃庭堅張耒游臨川謝無逸
嘗問有何新作答云秋來景物件件是佳句恨爲
俗氛蔽翳昨有詩云蒲城風雨近重陽忽催租人
至遂敗意止此一句奉寄詩名柯山集第大觀亦
能詩與兄埒

黃州府志

卷之十一 文苑

九

何頔之字斯舉篤學善屬文自號樗叟蘓軾謫黃建
雪堂頔之作上梁文時多稱之黃庭堅宿黃州觀
音院鐘樓有詩云鐘鳴山川曉露下星斗濕老夫
梳白頭潘何墳篋集謂大臨及頔之也

黃梅王仲瑄性敏捷善綴文崇寧間進士授翰林學士

元

黃岡滕賓字玉霄至大間爲翰林學士有文名嘗作韻府
羣玉序

明

黃岡潘子安由保舉任四川夔州府同知工於詩賦有海

天青嘯集

王廷陳字稚欽年甫卅日誦數千言能文章弱冠魁鄉試登正德丁丑進士選庶吉士補吏科給事中武宗南狩上疏諫阻謫知裕州以忤監司免歸林居三十餘年日以詩文自娛著有夢澤集嘉靖中巡撫顧璘疏薦起用不果而卒詳明史

呂禧總角作烈女旨酒二賦奇字盈幅時人莫識也惟王廷陳見而奇之呼爲國器舉嘉靖辛卯鄉試

黃州府志

卷之十一 文苑

十

除丹稜令楊用修爲序其蜀稿

王一鳴字伯固七歲郡舉神童登萬歷丙戌進士與同年生謁政府王錫爵獨揖之曰子天下才也會修國史大學士趙志臯薦有詔徵用未上而史局罷授太湖令發廩煮粥修築堤堰民賴以蘓居四載移任臨漳兩臺藩臬使者有撰著悉屬焉卒於官著有朱陵洞稿

秦繼宗字西汀萬歷甲午解元庚戌進士著有禮記疏意綱鑑要畧諸書

呂元音字節之髮甫燥以文名比長學益博洽邑令茅瑞徵修輯邑乘舉屬元音裁定論者多稱之登天啓辛酉賢書未仕卒其後有從孫德芝者亦有文學嘗輯黃邑續志數卷考校古蹟頗多詳核云王同軌字行甫高才博學以貢爲太常寺主簿同呂元音修輯縣志稱善本著耳談二十四卷備載明代嘉言懿行及幽隱神怪之事同時有汪世楨何譔宋家瑚亦以博與聞

水斬郭文輔字良弼少時家貧父使牧牛輔挾筆硯及獨

黃州府志

卷之十一 文苑

十一

足几就巖間註周易弘治甲子舉於鄉官鹽課提舉著清聲解官歸家忽火輔籲天曰有不義物願焚之火遂滅嘗曝日中葺敝履督稅吏執之尋知爲輔甚懼輔曰汝非知我何咎焉笑而遣之

麻城

梁宸字西橋少穎悟嘗館童承叙家童偶閱漢書有遺失宸悉記無訛成童補廩餼三讓貢與年長者卒就廣文與許吏部善臨選許令自擇宸曰有命乃簽成都許又欲致其子補廩宸力辭曰年少當力學功名易得亦易失也

劉侗字同人崇禎甲戌進士客都門與同邑周損著
帝京景物畧行世後之吳縣任卒於維揚舟次侗
以千秋自命不苟同於世未竟其用而沒時同邑
周世遴字伯譽妙年俊才與侗同見賞於督學葛
寅亮早卒有文稿傳世

曹應昌字石霞崇禎己卯舉鄉試第一癸未成進士
喜讀書不任吏事授知縣棄歸奔父喪於永昌時
同郡何閔中亦客死於滇應昌竝挈其櫬歸至昆
明昌以哀毀卒家人欲置何柩屢舁昌柩不起其

黃州府志

卷之十一

文苑

三

第祝曰得毋爲何先生乎今當偕行耳乃發昌與
何竝未一面聞者益嘆其義所著詩文雄奇偉岸
人爭誦之

黃安王心正字定宇萬歷己卯舉人黃安設縣以來舉於
鄉者自心正始嘗應聘雲南得士六人多捷南宮
人稱冰鑑後歷官嘉興通判有清操

蘄州華巒字伯瞻仲賢子早負雋才弱冠發解登成化丁
未進士歷翰林編修性凝重文詞清麗館閣推重
之尋卒李東陽誌其墓

李時珍字東璧諸生精岐黃術官楚王奉祠正王薦於朝授太醫院判珍學問該洽著述甚富其本草綱目一書窮搜博採芟繁補闕歷三十年閱書八百餘家稿凡三易而成卒後子建元上之朝勅禮部刊行王世貞董其昌爲之序子建中鄉魁歷永昌府同知詳明史

郭承恩字惺寰性靜無他嗜務精經史及先天理數之學舉歲貢累遷什邡知縣冰蘖自矢暇與諸生講論學術鄰封多負笈至者告歸著作甚富年八

十九長嘯而逝

廣濟劉養微字敬伯諸生家貧工吟咏詩宗何李而稍自

放適神氣雄宕黃岡何讓何謙兄弟皆博學與養微友最善養微以苦吟卒讓弟兄行三百里賻其喪爲刻康谷子集

胡士定字鎮常士容兄也少好學從黃梅瞿九思遊記益博平生所鈔纂頗多後以貢歷官潁州衛經歷卒

按省志以爲罵賊死今從縣志及邑人金德嘉所

作士定傳改正

國朝

黃岡劉子壯字克猷弱冠登賢書雄詞健筆自成一家言其制藝爲楚文風之冠有雅量人以公輔期之已

丑成進士

廷對第一人授修撰制策條奏如開

經筵及設滿學滿科諸事皆舉行壬辰分考禮闈未幾請告歸里性孝友初出嗣從父爲置媵生二子然後歸本生父撫育諸弟侄成立嘗遊吳門有小吏被

黃州府志

卷之十一

文苑

十四

誣繫獄白於令脫之吏鬻女得金爲獻子壯急贖還之官翰林時捐百金贖同鄉難婦與夫完聚生平善行多類此卒年四十有四著有岷思堂集

汪煉南字治夫順治壬辰進士選庶吉士授編修值楚省大祲倡同官疏請蠲賑辛丑督學順天卯戌鄉會兩元皆其首拔士甲辰考最晉侍讀學士以疾假歸卒於舟次

高思忠字孝移諸生少穎異每試冠軍督學高世泰修三楚文獻忠與其事順治辛卯中副榜授遠安

諭以疾未赴任

王澤弘字涓來順治乙未進士選庶吉士歷官禮部
尚書有請移湖口關還設九江疏商民便之尤工
詩福清魏憲稱其五古則鄴下彭澤七古則浣花
徂徠近體則絳州鹿門飄飄乎如蟬蛻之遇秋風
冷然善矣子材升貢生候補主事材任康熙己未
進士歷官僉都御史俱工詩任有望雲集白沙集
及集唐和蘓諸刻

朱日濬字菊廬歲貢均州訓導博洽有文行著有五
經門句解卒於官

黃州府志

卷之十一

文苑

五

王追騏號雪洲順治己亥進士選庶吉士旋改給事
中多所建白以終養乞歸閉跡窮經者二十年徵
博學不就晚好易象懸河洛圖於座朝夕省覽每
有心得著有居俟樓集

樊維域字念顯家世孝友篤於文行登順治己亥進
士教授德安究心理學課士以孝弟廉隅爲本遷
平鄉令有廉能聲念母老遂力請歸養

奚祿詒字克生順治己亥進士博覽羣籍爲文力摹

西漢歷官常州府同知課士有知人鑒歸時家無
長物嘗修黃州府志文筆簡潔著有知津堂集同
邑高登雲亦有文名與祿詒同修郡志

王封滢字五書順治戊戌成進士選庶常時年甫十
八居官廉慎至性淡泊

御書尊德堂三字賜之歷官禮部左侍郎年六十餘卒於
官

諭賜祭葬著有蒙春園詩集

詹大衢字麗朋謹之次子天資穎敏力於學問手一

黃州府志

卷之十一

文苑

六

卷寒暑不釋康熙壬子中副榜著作甚富有大易
疏晦四卷於朱子本義頗有發明兄大衝貢生黃
陂教諭侄士懿康熙戊午舉人漢陽教授俱有文
學

陳芳烈字仲紀好古勤學博極羣書尤潛心易理爲
文雄博浩衍年三十卒著有觀心堂集及周天數
諸書

宋如辰字斗凝幼穎敏貧困力學康熙甲子舉鄉試
第一乙丑進士選庶常恬淡自守朝會供直外閑

戶讀書炊煙常絕泊如也歷中允春坊致仕歸教授自給邑令罕見其面第敏道工詩古文詞中壬午鄉試

靖乃勲字敬菴諸生好讀書尤精三禮之學受知於學使蔣永修性慷慨有經濟才甲寅山寇蠢動太守于成龍討平勲贊畫之功居多縣有蠹胥飛灑無徵糧石於其族族人莫辨勲取冊一覽卽燭其弊其才識多類此子道謨康熙辛丑進士選庶吉士天綱雍正癸卯舉人孫式文乾隆丁卯舉人兩

世皆以曲臺魁楚闈

陳大章字仲夔康熙戊辰進士選庶常名重一時以母老乞歸孝養備至山居益究心典籍引掖後學多所成就教子弟有家法先後俱登科第置節孝祀田兼以贍族所著有玉照亭秋蓬輶輶巢雲諸集詩傳名物集覽十二卷年六十九卒子師晉貢生

胡之太字康臣性穎敏讀書目數行下九歲失怙恃依叔氏自給奉事無異所生康熙戊午舉於鄉授